

docriver 文川网
入驻商家
在文川网搜索古籍书城 获取更多电子书

中國方志叢書·華中地方·第八一號


據清·何乃容等修·潘樹棠等纂
清·光緒二年刊本
影印

浙江省

縉雲縣志

成文出版社有限公司印行

5475/08



中國方志叢書·華中地方·第八一號

據清·何乃容等修·潘樹棠等纂
清·光緒二年刊本

影印

浙江省

縉雲縣志

(三)

成交出版社有限公司印行



10105938

中華民國五十九年七月壹一版

緙雲縣志

全三冊

發行人：黃 成 助

出版者：成文出版社有限公司

台北郵政信箱二二六〇五號
台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內服白業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

縉雲縣志卷之五

同知銜縉雲縣知縣何乃容纂修

禮祀

禮之言煙也鄭高密乃爲此解詩曰取蕭禮曰蕭光
焄蒿悽愴其謂神之著乎然許浚長慎亦有言精意
以享曰禮其斯爲誠敬之至已里俗有不入祀典者
非淫祀亦列以附焉

社稷壇在縣治北三里北向右社左稷

大清會典直省府州縣擇爽塏之地建社稷壇均北嚮
歲以春秋仲月上戊日爲民祈報皆正官將事以教

官糾儀生員充禮生以搯吏執事社稷位前各皂一

鉶一簋二簋二邊四豆四爵三共羊一豕一尊一祭

日雞初鳴承祭官以下咸朝服齊集黎明贊引禮生

二人引承祭官詣盥洗所盥洗通贊禮生贊執事者

各司其事以下自迎神至贊引禮生贊就位引承祭

官至階前拜位立引班禮生二人分引陪祭官文東

武西班與外省朝賀同各就拜位序立乃迎神贊引贊升壇

引承祭官升壇詣香案前司香跪奉香贊引贊上香

承祭官三上香贊復位引承祭官降復位贊跪叩興

承祭官行三跪九叩禮陪祭各官皆隨行禮奠帛初

獻爵司帛奉篚進跪奠篚司爵奉爵進獻爵奠正中
皆退司祝禮生至祝案前跪承祭官暨陪祭各官皆
跪司祝讀祝詞曰維某年月日某官某致祭於

社 稷之神曰惟 神奠安九土粒食萬邦分

五色以表封圻育三農而蕃稼稽恭承守土肅展明

禋時屈伸春秋敬修祀典庶九九松柏鞏磐石於無疆

翼翼黍苗佐神倉於不匱尙 饗畢詣神位前跪安

於案叩如初退承祭官暨陪祭各官行三叩禮亞獻

爵奠於左終獻爵奠於右均儀如初獻乃徹饌送神

承祭官行三跪九叩禮陪祭各官皆隨行禮司祝奉

祝司帛奉帛恭送瘞所承祭官轉立拜位西旁東面
 俟祝帛過復位引至望瘞位望瘞贊告禮成引退眾
 皆退

神祇壇

亦曰風雲雷
雨山川壇

在縣治前溪南南向

大清會典直省州縣各建神祇壇以春秋仲月諏日致

祭設案一於壇正中南嚮中設雲雨風雷之位左設

本境山川之位右設本境城隍之位陳銅二簋二簋

二遵四豆四案前設俎一陳羊一豕一又前設案一

供祝版辭曰維某年月日某官某致祭於 雲雨

風雷

山川

城隍之神曰維

神贊襄天

澤福佑蒼黎佐靈化以流形生成永賴乘氣機而鼓
盪溫肅攸宜磅礴高深長保安貞之吉憑依鞏固實
資捍禦之功幸民俗之殷盈仰 神明之庇護恭
修歲祀正值良辰敬潔豆籩祇陳牲幣尙 饗陳香
盤一鑪一鐙二西設案一陳帛七尊一爵二十有一
陳福酒福胙於尊俎之次餘儀與祭社稷同孟夏諏
日行常雩禮陳設儀注皆如之若常雩後不雨守土
長吏諏日具祝文隨時撰擬備牲牢率所屬致齋修省虔
禱爲民請命旣應而報陳設禮儀均與春秋常祭同
若久雨祈晴冬旱祈雪禮亦如之

雩祭 乾隆七年御史徐以升奏古有雩祭之典逢亢旱則又有雩請倣古禮每年屆期擇吉日致祭偶遇亢旱卽於此望告嶽瀆海鎮及山川能出雲雨者倘雨水過多請照祭水旱之例亦於雩壇致禱停止僧道諷經下禮部議歷代旱雩之禮皆七日一祈唐制斟酌較善宜加參訂孟夏龍見擇日行常雩禮旱則從各壇祈禱旱甚乃大雩雨足則報祀或已齋未祈而雨及所會經祈禱者皆報祀齋期祭品皆如常儀久雨祈晴倣春秋左傳伐鼓用牲於社及文獻通考祭國門之禮視水來最多之門而祭仍雨不止則

伐鼓用牲祭於社所求晴雨之日照例禁止屠宰不
理刑名其直省府州縣衛孟夏擇日行常雩禮或有
亢旱亦皆七日先祭界內山川次祭社稷不雨仍祈
禱如初但不得用大雩之禮亦不必另設雩壇其社
稷藉田等壇壝可以恪恭將事其或霽潦爲災則伐
鼓用牲祭祭城門以祈晴霽但照舊行儀注奉

旨是依議二十一年奉文所需祭品照例陳設每州縣酌

用祭銀五兩

司庫
給

先農壇在東郊距城五里雍正五年知縣戴世祿奉文
建立壇宇並置藉田肆畝玖分

大清會典直省府州縣均歲以仲春吉亥行耕籍禮各於治所東郊建先農壇前期二日各祭齋於公所掃除壇壝內外祭日雞初鳴設神案於壇正中南嚮陳鋤一簋籩各二籩豆各四案前設俎陳羊一豕一又前設香案一陳祝文辭曰維某年月日某官某致祭於先農之神曰惟神肇興稼穡立我烝民頌思文之德克配彼天念率育之功陳常時夏茲當東作咸服先疇洪惟

九五之尊歲舉

三推之典恭膺守土敢忘勞民謹奉彝章聿修祀事惟願

五風十雨嘉祥恒沐

神庥庶幾九穗雙歧上瑞

頻書大有尙 饗香盤爐鐙左設一案東向陳帛一

尊一爵三陳福酒福胙於尊爵之次設洗盥於階下

之東餘儀與祭社稷壇同禮成更采服率屬行耕藉

禮正官秉耒耆老一人牽牛農夫二人扶犁祿職官

奉青箱播種每歲收穫以供祭祀之粢盛督撫以奉

行耕藉日期具疏以聞

祭畢更換蟒服行耕藉禮

農具赤色牛黑色種箱青色知縣扶犁典史播種耆

老一人牽牛九推九返農夫終畝

耕畢率僚屬耆老農夫望

闕行三跪九叩首禮

先師廟 詳學校

名宦祠

鄉賢祠

忠義祠

節孝祠 以上俱見學校

關帝廟舊在下市街乾隆二十九年知縣合狐亦岱移

建城西隅前後二殿 自為記曰 國家自畿輔至郡邑載在秩宗使天下通祀者自

文廟外惟帝廟為重然孔子之道大而能博門弟子猶不能遍觀盡識而帝之靈能使小夫婦人莫不奔走駭伏故其感人易入而化人尤速嗚呼此非浩然之氣塞天地配道義有雖遠而不朽逾久而彌存者歟
繪故有廟在下市街基址狹隘口就傾圮余懼其陋而易褻也相地城西得察院舊基上諸臺司既報

可乃捐俸爲倡邑人士亦欣然赴功經始於乾隆二
 十九年十月落成於乾隆三十一年五月前爲戟門
 爲大門爲戲臺拾級而上爲前廳每只朔望宣講
 聖諭並考課文武諸童悉於斯中爲大殿易像爲主配以
 闕廖周王四將軍東西列屋二十楹後爲三公殿殿
 前後月池二左右廂樓各四再後爲結義亭右爲火
 廂飾以丹漆繚以垣墉輪奐一新向之狹隘傾圮者
 今且規模宏遠矣工既訖執爵致祭因諗於眾曰若
 亦知余創建之意乎夫帝之靈爽警諸天地日星無
 所不照其不繫乎一邑之興廢也久矣而余獨汲汲
 倡是役者豈以廟貌聿新遂足安帝之靈歟蓋
 國家春秋享祀非是不稱且小夫婦人向爲狹隘傾圮
 中猶奔走駭伏一旦入其廟制度巍然堂構秩然耳
 目改觀心思倍奮吾知其去奇邪而從善良也決矣
 卽五雲士子入學鼓篋若能以帝之治春秋者施之
 君臣朋友間將進爲名臣退亦不失爲善士則是役
 也上以廣朝廷尊崇之意下以宏學校教化之功
 又豈區區一時之興廢舉墜云爾哉旣以諗於眾退
 而爲日久傾圮同治十二年知縣何乃容命邑紳應
 之記

學芹等捐修為之記

曰天下事不能有盛而無衰亦不能無繼與廢舉墜是

亦在乎與時變通而已謹按帝廟向在下市街乾隆二十九年

前縣尹俞狐亦岱得察院舊基移建每月朔望宣講

聖諭

並考課文武生章於此一時人文稱盛迨咸豐十年

燬於粵寇僅存大門照牆故址此外多半傾圮於

同治 秋莅任入廟瞿然驚曰是有司事也此而不修將待何時乃捐俸為倡邑人士欣然從之爰將

前廳大殿廣加修飾其東西兩廡暨後之三公殿

結義亭則重建焉規模式循其舊輪奐業已一新是

役也鳩工庀材經營三載民力不可謂不勞兵燹之餘輸捐踴躍民心不可謂不義用能勦放大王洵足

妥神靈而昭誠肅異日起頑立懦崇善黜邪是所望

於邑人士矣書曰不作無益害有益功乃成今而知

盛衰之理無定程而興繼之理有足據也是為記

大清會典直省俱設立關帝廟春秋仲月諏吉及五月十

三日均致祭前殿以地方正印官主祭後殿以丞史

將事執事以禮生祭日陳設牲牢器數及迎神上香
奠獻讀祝送神視燎儀注均與京師同

前殿設

忠義神武靈佑關聖大帝神位

嘉慶十年奉

旨加封仁勇道光八年加封威顯咸豐年間加封保國護
民同治九年加封精誠今定封號為忠義靈佑仁勇

威顯保國護民
精誠關聖大帝

後殿設

光昭公

裕昌公

成忠公位

雍正五年追封

docsriver 文川网
入驻商家 古籍书城

在文川网搜索古籍书城 获取更多电子书

前殿神位設牛一羊一豕一登一鉶二簋各二邊
豆各十罍一鐙二殿中設一案少西北向供祝版辭
曰維某年月日某官某致祭於 忠義神武靈佑仁
勇威顯保國護民精誠關聖大帝之神曰惟 神秀
毓河山名垂今古英風正氣世歷久而彌新大節純
心史相傳而莫匹念神靈之顯著命典禮以優隆茲
當仲春用昭時饗尙其歆格鑒此精虔尙 饗
五月秋祝辭曰維某年月日某官某致祭於 忠義神
武靈佑仁勇威顯保國護民精誠關聖大帝之神曰
惟 神純心取義亮節成仁允文允武迺聖迺神功

高當世德被生民兩儀正氣歷代明禋英靈不著封
號聿新敬修歲事顯佑千秋尙 饗 東設一案
陳禮神制帛一色白香盤一尊一爵三凡牲盛於俎帛
實於筐尊實酒罍勺具承祭官行三跪九叩禮
後殿每位前各設一案陳羊一豕一釧二簠簋各二
籩豆各八鑪一鐙二殿中設一案少西北向供祝版
辭曰維某年月日某官某政祭於 關帝之 曾祖
光昭公 祖裕昌公 父成忠公曰惟 公盛德相
承令儀足式歷數傳之積累遂鍾河嶽精靈儲曠代
之威名堪作巖廊矩矱

殊恩既沛於三世時饗宜錫於上公茲當仲春用昭祀事

豆遵致潔典禮加隆尙饗五月十三祝辭曰維某年

月日某官某致祭於關帝之曾祖光昭公

祖裕昌公父成忠公曰禮隆報祀誼重推恩當崧

生嶽降之期溯本本水源之始輝煌棟宇憑依已妥

於上公修潔豆邊將饗告虔於仲夏惟神昭鑒尙其

格歆東西各設一案分陳禮神制帛三色香盤三

尊一爵九俎篚罍勺具承祭官行二跪六叩禮

關帝廟在縣署者乾隆三十二年知縣湛玘建閣於常

平倉後祀

聖帝三十九年知縣盛世龍改建廟有記每月朔望縣

官行香如禮

記曰署中之東隅為常平倉倉後隙地故有屋日久壞廢不可攷前令空其地

而植蔬菜於其中餘地則為山為亭為臺為池類圃聖然尋亦殘缺多樹兩柱在其北枝葉繁衍仲秋月花盛開香溢里許西蜀湛珮合是邑為建閣於兩柱之後而祀聖帝焉初署有廟在隙地之西北隅既隘且陋而又不當其所至湛介為之改建當其所矣復規模不闕朔望祀者環廟外而拜嗚呼夫豈所以崇祀聖帝而用以將吾誠敬者乎癸巳之仲夏余泄茲十欲獨捐貲以廣其規既乃一倡百和踴躍興起者紛紛然余難拂眾志之欣焉向善而不敢要其功於已也於是內而太夫人為倡而妻而子而幕友而官親而僕而僮而婢外而捕廳為倡而吏而役余反以末舉為之後而董其成雖隨心樂施多寡各有不同殆靡一人之或遺焉斯豈非聖帝之感格有神而眾善之同歸於一致也哉聖帝神於漢由唐宋元明迄今歷有年所馨香俎豆夫固盈四海而徧九州矣豈是縣署之區區者為足効一粟於滄海歟然

而機動於一念功滿於十旬又豈一人之私所能首
其事而樂其成者耶夫地有遷移事有興廢與時偕
行者也前人志之未逮後人補之然則余所未逮之
志後有繼者不又可以補而行之乎雖然踵事增華
向善者弗禁後之君子能相仍於弗替間
有殘缺者隨時而補苴焉抑又何多求矣

關帝廟

一在桃花洞乾隆三十一年布政使司永捐俸
一在溪頭道光十七年建毀於寇同治六年重建
一在西施施姓建 一在章墩盧姓建 一在潛溪
胡姓建 一在金竹 一在裡坑盧姓建 一
在隘頭半嶺 一在十七都大源合村捐建

文昌宮舊為文昌閣在文廟左康熙二十九年知縣戴

名振重修乾隆二十六年教諭胡望斗移建於吏隱

山 自為記曰唐李陽冰官縉邑寄隱是山山名吏隱
所由來也上有吏隱亭志歸臺窪尊銘至今年遠

風雨剝蝕志乘雖詳其事而已幾泯其迹此山久為
李氏已業矣余秉鐸之次年庚辰春偶遊是山觀其

盤旋迤邐聳秀邑東勢與西山對峙論衿土陳祥遠
等分任勸諭共得銀五百餘金建造文昌閣一座中
為廳三楹旁為小屋十餘間閣上祀梓潼帝君并李
陽冰公位經始於乾隆二十六年冬落成於乾隆二
十九年春題其堂曰振德將以聚斯邑之英俊絃誦
其中而振興五雲之文教也豈第為遊覽之勝槩也
哉
後圯嘉慶十三年邑人捐貲移建文廟右同治六

年邑人復捐貲仍建吏隱山舊址中為奎閣

知縣錢國珍記

日夫重山巨壑磅礴盤鬱積之既久必有偉人詰土
出以應其奇詩所謂維嶽降神其明騏也緡邑山水
之勝甲於括郡朱明以來人文輩出科甲鼎盛載邑
乘者爛如嗣時聲沈響寂垂數百年豈靈秀之蓄洩
或有更代歟抑形勝之變遷亦有月異而歲不同者
按志圖以翠微為縣鎮山左峙吏隱右拱客星環繞
縣基地勢天設紆回秀峭堪輿家言巽方高聳文曜
啟祥乾隆間司鐸胡公望斗倡議建文昌閣於山之
巔以應其占既乃風雨剝蝕兵燹頻仍棟宇傾圯幾
與忘歸臺窪尊亭同委榛莽洵可慨也前邑令譚君

明經經營善後廢舉墜修遂議建閣是山規復舊觀爰商之廣文王君瀾延鄉善士議捐貲營建並自捐廉以倡於是鳩工伐材飾以丹雘經始於同治六年四月落成於七年八月共計支錢三千緡有奇建殿三間祀文昌構傑閣造魁星像後殿三楹祀帝先代側祀李公少溫循舊制也重其事者朱生桐李生夢庚應生攀雲等不憚勞瘁敬謹受事工既竣觀察方公持節往來展謁祠宇撰書楹聯匾額以壯觀瞻而向之飛閣流丹層蕙聳翠者今且恢宏壯麗堅固崇隆上挹奎壁之輝下啟人文之瑞其兆於斯乎珍以是冬來攝令篆蠲吉肅拜諸生以記屬余余考天官書文昌六星居司中司命司祿之垣位極尊顯國朝以中祀隆其禮神聰明正直陰騭垂訓都人士崇而奉之以孝悌忠信敦其本以禮義廉恥慎其防以錫類推恩宏其用庶幾克膺上帝之錫福大顯於時否則昧聖賢之訓鹵莽望報僞飾求名欲邀靈贖於穹蒼顯聞譽於當世不亦難乎余嘉諸士之樂襄盛舉尤冀諸士之敦勉純修俾文運昌明為邦家光山林亦為之增色矣是為記

前殿奉

文昌帝君神位

嘉慶六年奉主持文運福國佑民崇正教闢邪說靈

上諭

文昌帝君

蹟最著海內崇奉與

闕聖大帝相同宜列入祀典

用光文治著交禮部太常寺將每歲春秋致祭之典

及一切儀文俶闕帝廟定制詳查妥議具奏遵

旨奏準一切儀注祭品均照闕帝咸豐六年奉文升人

中祀添誕辰一

祭與闕帝同

文昌廟祝辭

辭曰維某年月日某官某致祭於

文昌帝君曰

惟神蹟著西潼樞環北極六匡麗曜協昌運之

光華累代垂靈爲人文之主宰扶正久彰夫感應薦

馨宜致其尊崇茲屆仲

春秋

用昭時祀尙其歆格鑒此

精虔尙饗

後殿奉

文昌帝君先代神位 嘉慶六年太常寺奏準 文昌帝君三代姓名查無確據未便請

加封號擬增置神牌一分牌面 先代祝詞 書 文昌帝君先代神位字樣

辭曰維某年月日某官某致祭於 文昌帝君之

前代日祭引先河之義禮崇反本之思矧夫世德彌

光延賞斯及祥鍾累代炯列宿之精靈化被千秋為

人文之主宰是尊後殿用答前庥茲值仲 春 肅將時 秋

事用申告潔 神其格歆尙饗

同治六年知縣譚明經以文廟右舊閣改為

倉頡祠古無今始祀焉教諭葉慶祺於座右祀奉歷代

經師神主

漢

歐陽高 夏侯勝 申培公 轅固生 韓嬰

顏芝 劉德 鄭興 鄭眾 戴聖

戴德 何休 荀爽 賈逵 包咸

李巡 盧植 趙歧 許慎 服虔

魏 王弼 何晏 王肅 孫炎

吳 陸機 虞翻 韋昭

晉 韓伯 杜預 郭璞

梁 皇侃

唐 孔穎達 賈公彦 陸德明 徐彥 楊士勛

周 盧辯

宋 孫奭 邢昺

文昌宮 一在賈坑楊兆鱸建 一在東溪楊仁多建
一在雅場合村捐建 一在魚川王謨王萬清

建 一在新建合村捐建 一在靜岳丁興如丁汝
嘉等合村捐建 一在岱石 一在溪頭中街 一

在金牛 一在嶺下庄楊大元建 一在田村麻成
璋麻光耀等合村捐建 一在酉施施姓建 一在

兆岸合村捐建 一
文昌亭在阮客洞

天后宮在縣西九盤山下前臨好溪

國朝乾隆三十三年間人建嘉慶九年修道光二十年重

修咸豐二年燬於火六年閩人復倡捐建迭遭匪毀

至同治四年告竣歲以春秋仲祭以少牢承祭官

行三跪九叩禮

按宋潛說友咸淳臨安志順濟聖妃廟神本莆田林氏女數著靈異宣和五年賜順濟廟額紹興二十六年封靈惠夫人紹熙二年改封靈惠妃慶元四年加助順號累封至嘉熙三年為靈惠助順嘉應英烈又載丁伯桂廟記云神莆陽湄洲林氏女少能言人禍福歿廟祀之號通賢神女宣和壬寅給事路允迪使高麗申流震風神降於檣獲濟奏於朝錫廟額曰順濟紹興丙子以郊典封靈惠夫人後二年海寇憑陵效靈寇去州上厥事加封昭應時疫神降日去潮丈許脈有甘泉我為郡民續命於天飲斯泉者立痊郡以聞加封崇福越十有五載福興捕寇舟遙禱響應上其事加封善利淳熙甲辰民蓄丁未旱庚戌夏旱禱之隨禱隨答累狀聞於兩朝易爵以妃號惠靈慶元四年加助順之號嘉定元年加顯衛之號十年加英烈之號威德無窮典實有限神雖莆神所福徧海內云云元明二代累加封號

docsriver 文川网
入驻商家 古籍书城

在文川网搜索古籍书城 获取更多电子书

國朝乾隆二十三年奉旨加封誠感咸孚天后聖母命各省春秋致祭載在祀典

城隍廟在縣治西二百步客星山舊在西谷唐乾元二

年縣令李陽冰祈雨有應遷今址有碑在廟宋建炎元年

縣令蘇德秀重修有祈雨記碑在廟景定五年勅封顯

應廟神為廣惠侯碑在廟咸淳九年勅封廣惠廟神為

廣惠昭應侯碑在廟元至正十四年主簿單郁重修有

祈雨感應記碑在廟明洪武二年勅封鑒察司民城隍

顯佑伯碑在廟正德十五年縣令閻泰有祈雨感應記

碑在廟已上俱見碑碣

國朝順治七年知縣項始震重修記曰粵自放勳築城以衛修車夷羊亦登祀典

迨正名爲城隍則自廢封建置郡邑始其神與山川
社稷相埒而祠祭獨異口口家言生有功德於人者
歿則爲神以福佑黔黎蓋冥牒之台長也守邦君子
其朔望之時與之左右陟降焉用義立口口之土井
且爨者家千百計口萬億計皆惟神是庇而望楹瞻
禮顧聽其廟貌剝落風雨飄搖將神恫何縉邑城
隍前明勅封顯佑伯廟踞西山之巔地勝神靈禳禱
輒應余自承乏茲土尤荷神聰往者荒澤告警余誓
師援鼓與神約期必得渠魁以靖方圍旣而果驗神
實靈於從事余惟祇厥祀又何靳於馨香也迺盱其
宇漸有傾圯者論都人士鳩工庀材余捐俸爲倡易
撓而新抗軒而明其庶幾神靈妥侑天心和懌乎惟
天聰明惟神明畏雖爲冠雲之巍閣丹堊輝皇曷遽
云侈報而以此設教幽顯對越有翼有嚴則恭敬忱
惕之心生矣驚夏之次章曰桓桓其圭衮衮其服入
作三孤國人是福神於國被信圭之榮享琳堂之盛
固宜其愛人也滋甚余廼祈於爾有神介爾景福綏
於明德暘雨其時年歌大有余且藉手咸若奏笙鏞
於吏隱鐙琴瑟於碧泖邦之榮懷其敢忘神錫之鴻麻
乃因落成而爲之記

順治十八年